



金剛般若波羅蜜經解

寶鏡

坤

地



金剛般若波羅蜜經卷下

東晉武帝時後秦沙門鳩摩羅什奉詔譯

梁昭明太子嘉其分目

唐六祖大鑒真空普覺禪師解義

○尊重正教分第十二

復次須菩提隨說是經乃至四句偈等當知此處一切世間天人阿修羅皆應供養如佛塔廟

所在之處如有入即說是經者念念常行無念心無所得心不作能所心說若能遠離諸心常依無

一本若字



所得心即此身中有如來金身舍利故言如佛塔
廟以無所得心說此經者感得天龍八部悉來聽
受心若不清淨但為名聲利益而說此經者死墮
三塗有何利益心若清淨為說是經令諸聽者除
迷妄心悟得本來佛性常行真實感得天人阿修
羅等皆來供養持經之人也
何況有人盡能受持讀誦須菩提當知是人成就最
上第一希有之法若是經典所在之處則為有佛若
尊重弟子

自心誦得此經自心解得經義自心體得無著無
相之理所在之處常修佛行念念心無有間歇即
自心是佛故言所在之處則為有佛

○如法受持分第十三

爾時須菩提白佛言世尊當何名此經我等云何奉
持佛告須菩提是經名為金剛般若波羅蜜以是名
字汝當奉持所以者何須菩提佛說般若波羅蜜即
非般若波羅蜜是名般若波羅蜜

佛說般若波羅蜜令諸學人用智慧除却愚心生

滅生滅除盡即到彼岸若心有所得即不到彼岸
心無一法可得即是彼岸口說心行乃是到彼岸
須菩提於意云何如來有所說法不須菩提白佛言
世尊如來無所說

佛問須菩提如來說法心有所得不須菩提知如
來說法心無所得故言無所說也如來意者欲令
世人離有所得之心故說般若波羅蜜法令一切
人聞之皆發菩提心悟無生理成無上道也

須菩提於意云何三千大千世界所有微塵是為多

不須菩提言甚多世尊須菩提諸微塵如來說非微
塵是名微塵如來說世界非世界是名世界

如來說眾生性中妄念如三千大千世界中所有
微塵一切眾生被妄念微塵起滅不停遮蔽佛性
不得解脫若能念念真正修般若波羅蜜無著無
相之行了妄念塵勞即清淨法性妄念既無即非
微塵是名微塵了真即妄了妄即真真妄俱泯無
別有法故云是名微塵性中無塵勞即是佛世界
心中有塵勞即是眾生世界了諸妄念空寂故云

非_二世界_一證得如來法身普見塵刹應用無方是名_二世界_一

須菩提於意云何可以_二三十二相見如來不不也世尊不可以_二三十二相得見如來何以故如來說_二三十二相即是非相是名_二三十二相_一

三十二相者是_二三十二清淨行三十二清淨行者於五根中修六波羅蜜於意根中修無相無為是名_二三十二清淨行常修此三十二清淨行即得成佛若不修三十二相清淨行終不成佛但修著如

來_二三十二相自不修_二三十二行終不得見如來須菩提若有善男子善女人以恒河沙等身命布施若復有人於此經中乃至受持四句偈等為他人說其福甚多

世間重者莫過於身命菩薩為法於無量劫中捨施身命與一切眾生其福雖多亦不如受持此經四句之福多劫捨身不如持經四句之福

本意
作義

○離相寂滅分第十四

爾時須菩提聞說是經深解義意趣涕淚悲泣而白佛
 言希有世尊佛說如是其深經典我從昔來所得慧
 眼未嘗得聞如是之經世尊若復有人得聞是經信
 心清淨則生實相當知是人成就第一希有功德
 自性不癡名慧眼開法自悟名法眼須菩提是阿
 羅漢於五百弟子中解空第一已曾勤奉多佛豈
 得不聞如是深法豈於釋迦牟尼佛所始言聞也
 然或是須菩提於往昔所得乃聲聞慧眼至今天方

悟佛意故始得聞如是深經悲昔未悟故涕淚悲
 泣聞經諦念謂之清淨從清淨體中流出般若波
 羅密多深法當知決定成就諸佛功德也

世尊是實相者即是非相是故如來說名實相
 雖行清淨行若見垢淨二相當情並是垢心即非
 清淨心也但心有所得即非實相也

世尊我今得聞如是經典信解受持不足為難若當
 來世後五百歲其有衆生得聞是經信解受持是人
 則為第一希有何以故此人無我相無人相無衆生

相無壽者相所以者何我相即是非相人相衆生相
壽者相即是非相何以故離一切諸相則名諸佛
須菩提深悟佛意蓋自見業盡垢除慧眼明徹信
解受持即無難也世尊在世說法之時亦有無量
衆生不能信解受持何必獨言後五百歲蓋佛在
之日雖有中下根不信及懷疑者即往問佛佛即
隨宜為說無不契悟佛滅度後後五百歲漸至末
法去聖遙遠但存言教人若有疑無處咨決愚迷
抱執不悟無生者相馳求輪迴諸有於此時中得

聞深經清心敬信悟無生理者甚為希有故言第
一希有於如來滅後後五百歲若復有人能於般
若波羅蜜甚深經典信解受持者即知此人無我
人衆生壽者之相無此四相是名實相即是佛心
故曰離一切諸相則名諸佛
佛告須菩提如是如是
佛印可須菩提所解善契我心故重言如是也
若復有人得聞是經不驚不怖不畏當知是人甚為
希有

聲聞父著法相執有為解不了諸法本空一切文字皆是假立忽聞深經諸相不生言下即佛所以驚怖唯是上根菩薩得聞此理歡喜受持心無畏怖退轉如此之流甚為希有

何以故須菩提如來說第一波羅蜜即非第一波羅蜜是名第一波羅蜜

口說心不行即非口說心行即是心有能所即非心無能所即是

須菩提忍辱波羅蜜如來說非忍辱波羅蜜

見有辱境當情即非不見辱境當情即是見有身相當彼所害即非不見有身相當彼所害即是

何以故須菩提如我昔為歌利王割截身體我於爾時無我相無人相無眾生相無壽者相何以故我於往昔節節支解時若有我相人相眾生相壽者相應

生瞋恨

如來因中在初地時為忍辱仙人被歌利王割截身體無一念痛惱之心若有痛惱之心即生瞋恨歌利王是梵語此云無道極惡君也一說如來因

中曾為國王常行十善利益蒼生國人歌讚此王
 故云歌利王求無上菩提修忍辱行爾時天帝釋
 化作旃陀羅乞王身肉即割施殊無嗔惱今有二
 說於理俱通

須菩提又念過去於五百世作忍辱仙人於爾所世
 無我相無人相無眾生相無壽者相

如來因中於五百世修行忍辱波羅蜜以得四相
 不生如來自述往因者欲令一切修行人成就忍
 辱波羅蜜行忍辱波羅蜜人既行忍辱行者不見

一切人過惡冤親平等無是非被他打罵殘害
 歡喜受之倍加恭敬行如是行者即能成就忍辱
 波羅蜜

是故須菩提菩薩應離一切相發阿耨多羅三藐三
 菩提心不應住色生心不應住聲香味觸法生心應
 生無所住心

不應住色生心者是都標也聲香味別立其名也
 於此六塵起憎愛心由是妄心積身無能覺照益
 遠佛行雖種種勤苦修行不除心垢終無解脫之

身至行
 異積集
 無量業
 結覆蓋
 佛性

一本云
字下有
上字

一本法
作多

理推其根本都由色上住心如能念念常行般若
波羅蜜推諸法空不生計較念念常自精進一心
守護無令放逸淨名經云求一切知無非時求大
般若經云菩薩摩訶薩晝夜精勤常住般若波羅
蜜法相應作意無時斷捨
若心有住則為非住
若心住涅槃非是菩薩住處不住涅槃不住諸法
一切處不住方是菩薩住處上文說應無所住而
生其心是也

是故佛說菩薩心不應住色布施須菩提菩薩為利
益一切眾生應如是布施
菩薩不為求望自身快樂而行布施但為內破墜
心外利益一切眾生而行布施
如來說一切諸相即是非相又說一切眾生則非眾
生
如者不生來者不滅不生者我人不生不滅者覺
照不滅下文云如來者無所從來亦無所去故名
如來如來說我人等相畢竟可破壞非真實體也

一切眾生盡是假名若離妄心即無眾生可得故
言即非眾生

須菩提如來是真語者實語者如語者不誑語者不
異語者

真語者說一切有情無情皆有佛性實語者說衆
生造惡業定受苦報如語者說眾生修善法定有
樂報不誑語者說般若波羅蜜法出生三世佛決
定不虛不異語者如來所說初善中善後善言意
微妙一切天魔外道無有能超勝及破壞佛語者

須菩提如來所得法此法無實無虛

無實者以法體空寂無相可得然中有恒沙性德
用之不匱故言無虛欲言其實無相可得欲言其
虛用而無間是故不得言無不得言有有而不有
無而不無言言不及者其惟真智乎若不離相修
行無由臻此

須菩提若菩薩心住於法而行布施如入入闇則無
所見

於一切法心有住著則不了三輪體空如盲者處

暗無所曉ス華嚴經云聲聞在如來會聞法如
盲如聾為住諸法相故也

若菩薩心不住法而行布施如人有自日光光明照見
種種色

若菩薩常行般若波羅蜜多無著無相行如人有
自處於皎白之中何所不見也

須菩提當來之世若有善男子善女人能於此經受
持讀誦則為如來以佛智慧悉知是人悉見是人皆
得成就無量無邊功德

在本
作任

當來之世者如來滅後後五百歲濁惡之世邪法
競起正法難行於此時中若有善男子善女人得
遇此經從師真受讀誦在心精進不妄依義修行
悟入佛之知見則能成就阿耨菩提以是三世諸
佛無不知之

○持經功德分第十五

須菩提若有善男子善女人初日分以恒河沙等身
布施中日分復以恒河沙等身布施後日分亦以恒
河沙等身布施如是無量百千萬億劫以身布施若

後有人聞此經典信心不逆其福勝彼何況書寫受持讀誦為人解說

佛說末法之時得聞此經信心不逆四相不生即是佛之知見此人功德勝前多劫捨身功德百千萬億不可譬喻前一念聞經其福尚多何況更能書寫受持讀誦為人解說當知此人決定成就阿耨多羅三藐三菩提所以種種方便為說如是甚深經典俾離諸相得阿耨多羅三藐三菩提所得福德無有邊際蓋緣多劫捨身不少諸法本空心有

能所未離垢生之見如能聞經悟道我人頓盡言下即佛將捨身有漏之福比持經無漏之慧實不可及故雖十方聚寶三世捨身不如持經四句偈須菩提以要言之是經有不可思議不可稱量無邊功德

持經之人心無我所無我所故是佛心佛心功德無有邊際故言不可稱量

如來為發大乘者說為發最上乘者說若有人能受持讀誦廣為人說如來悉知是人悉見是人皆得成

就不可量不可稱無有邊不可思議功德如是人等
則為荷擔如來阿耨多羅三藐三菩提

大乘者智慧廣大善能建立一切法最上乘者不
見垢法可厭不見淨法可求不見眾生可度不見
涅槃可證不作度眾生心亦不作不度眾生心是
名最上乘亦名一切智亦名無生忍亦名大般若
若有人發心求佛無上道聞此無相無為甚深之
法即當信解受持為人解說令其深悟不生毀謗
得大忍力大智慧力大方便力方能通流此經也

上根之人聞此經典得深悟佛意持自心經見性
究竟復起利他之行能為人解說令諸學者自悟
無相之理得見本性如來成無上道當知說法之
人所得功德無有邊際不可稱量聞經解義如教
修行復能廣為人說令諸眾生得悟修行無相無
著之行以能行此行有大智慧光明出離塵勞離
離塵勞不作離塵勞之念即得阿耨多羅三藐三
菩提故名荷擔如來當知持經之人自有無量無
邊不可思議功德

何_レ以_テ故_ニ須_レ普_レ提_レ若_レ樂_レ小_レ法_者者_レ我_レ見_レ人_レ見_レ衆_レ生_レ見_レ壽_者者_レ見_レ則_レ於_レ此_レ經_ニ不_レ能_レ聽_レ受_レ讀_レ誦_レ爲_レ入_レ解_レ說_ス

何_レ名_レ樂_レ小_レ法_者者_レ爲_レ一_レ乘_レ聲_レ聞_レ人_レ樂_レ小_レ果_者者_レ不_レ發_レ大_レ心_者者_レ故_ニ即_レ於_レ如_レ來_レ深_レ法_ニ不_レ能_レ受_レ持_レ讀_レ誦_レ爲_レ入_レ解_レ說_ス

須_レ普_レ提_レ在_レ在_レ處_レ處_レ若_レ有_レ此_レ經_一切_レ世_レ間_一天_レ人_レ阿_レ修_レ羅_所應_レ供_レ養_レ當_レ知_レ此_レ處_則爲_レ是_レ塔_皆應_レ恭_レ敬_レ作_レ禮_圍繞_以諸_レ華_香而_レ散_レ其_レ處_上

若_レ人_レ口_レ誦_レ般若_心行_レ般若_若在_レ在_レ處_レ處_常行_レ無_レ爲_レ無_相之_レ行_レ此_レ人_所在_レ之_レ處_如有_レ佛_塔感_レ得_レ一_レ切_レ天_レ人

各_レ持_レ供_レ養_レ作_レ禮_恭敬_與佛_無異_能受_レ持_レ經_者是_レ人_心中_自有_レ世_尊故_云如_レ佛_塔廟_當知_レ所_レ得_レ福_德無_量無_邊也

○能淨業障分第十六

復_次須_レ普_レ提_レ善_男子_善女_人受_レ持_レ讀_レ誦_レ此_レ經_若爲_レ人_輕賤_是人_先世_罪業_應隨_レ惡_道以_レ今_世人_輕賤_故先_世罪_業則_爲銷_滅當_レ得_レ阿_耨多_羅三_藐三_普提

佛_言持_レ經_之人_各得_レ一_レ切_レ天_レ人_恭敬_レ供_レ養_爲前_生有_レ重_業障_故今_生雖_得受_レ持_レ諸_佛如_來甚_深經_典

一本須
菩提下
有甚字

常被人輕賤不得人恭敬供養自以受持經典故
不起入我等相不問冤親常行恭敬心無惱恨蕩
然無所計較念念常行般若波羅蜜行曾無退轉
以能如是修行故得無量劫以至今生所有極惡
罪障並能消滅又約理而言先世即是前念妄心
今世即是後念覺心以後念覺心輕賤前念妄心
妄不得住故云先世罪業即為消滅妄念既滅罪
業不成即得菩提也

須菩提我念過去無量阿僧祇劫於然燈佛前得值

一本下
無有字

八百四十萬億那由他諸佛悉皆供養承事無空過
者若復有人於後末世能受持讀誦此經所得功德
於我所供養諸佛功德百分不及一一百千萬億分乃
至算數譬喻所不能及

一本波
羅下有
密字

供養恒沙諸佛施寶滿三千界捨身如微塵數種
種福德不及持經一念悟無生理息希望心遠離
衆生顛倒知見即到波羅彼岸未出二塗證無餘
涅槃也

須菩提若善男子善女人於後末世有受持讀誦此

金剛經
卷下
一五

經所得功德我若具說者或有人聞心即狂亂狐疑不信

佛言末法眾生德薄垢重嫉妬彌深邪見熾盛於此時中如有善男子善女人受持讀誦此經圓成法相了無所得念念常行慈悲喜捨謙下柔和究竟成就無上菩提或有人不知如來正法常在不滅聞說如來滅後後五百歲有人能成就無相心行無相行得阿耨多羅三藐三菩提則必心生驚怖狐疑不信

須菩提當知是經義不可思議果報亦不可思議是經義者即無著無相行也云不可思議者讚歎無著無相行能成就阿耨多羅三藐三菩提

○究竟無我分第十七

爾時須菩提白佛言世尊善男子善女人發阿耨多羅三藐三菩提心云何應住云何降伏其心佛告須菩提善男子善女人發阿耨多羅三藐三菩提心者當生如是心我應滅度一切眾生滅度一切眾生已而無有一眾生實滅度者

須菩提問佛如來滅後後五百歲若有人發阿耨
 多羅三藐三菩提心依何法而住如何降伏其心
 佛言莫發度脫一切眾生心度脫一切眾生盡得
 成佛已不得見有一眾生是我滅度者何以故為
 除能所心也除有眾生心也亦除我見心也
 何以故須菩提若菩薩有我相人相眾生相壽者相
 則非菩薩

菩薩若見有眾生可度者即是我相有能度眾生
 心即是人相謂涅槃可求即是眾生相見有涅槃

可證即是壽者相有此四相即非菩薩

所以者何須菩提實無有法發阿耨多羅三藐三菩
 提心者

有法者我人等四法是也不除四法終不得菩提
 若言我發菩提心者亦是我人等法人我等法是
 煩惱根本

須菩提於意云何如來於然燈佛所有法得阿耨多
 羅三藐三菩提不也世尊如我解佛所說義佛於
 然燈佛所無有法得阿耨多羅三藐三菩提佛言如

是如是

佛告須菩提我於師處不除四相得受記不須菩提深解無相之理故言不也善契佛意故佛言如是如是言是印可之辭

須菩提實無有法如來得阿耨多羅三藐三菩提者然燈佛即不與我受記汝於來世當得作佛號釋迦牟尼以實無有法得阿耨多羅三藐三菩提是故然燈佛與我受記作是言汝於來世當得作佛號釋迦牟尼

何以故如來者即諸法如義

佛言實無我人眾生壽者始得受菩提記我若有發菩提心然燈佛即不與我受記以實無所得然燈始與我受記此一段乃總成須菩提無我義佛言諸法如義者諸法即是色聲香味觸法於此六塵中善能分別而本體湛然不染不著自無變異如空不動圓通瑩徹歷劫常存是名諸法如義菩薩瓔珞經云毀譽不動是如來行入佛境界經云諸欲不染故敬禮無所觀

乃云

金剛經 卷下
若有人言如來得阿耨多羅三藐三菩提須菩提實
無有法佛得阿耨多羅三藐三菩提須菩提如來所
得阿耨多羅三藐三菩提於是中無實無虛
佛言實無所得心而得菩提以所得心不生是故
得菩提離此心外更無菩提可得故言無實也所
得心寂滅一切智本有萬行悉圓備恒沙德性用
無之少故言無虛也
是故如來說一切法皆是佛法須菩提所言一切法
者即非一切法是故名一切法

能於諸法心無取舍亦無能所熾然建立一切法
而心常空寂故知一切法皆是佛法恐迷者貪著
一切法以為佛法為遣此病故言即非一切法心
無能所寂而常照定慧齊行體用一致是故名一
切法

須菩提譬如人身長大須菩提言世尊如來說人身
長大則為非大身是名大身
如來說人身長大則為非大身者以顯一切眾生
法身不二無有限量是名大身法身本無處所故

言則非大身又以色身雖大內無智慧即非大身
色身雖小內有智慧得名大身雖有智慧不能依
行即非大身依教修行悟入諸佛無上智見心無
能所限量是名大身也

須菩提菩薩亦如是若作是言我當滅度無量眾生
則不名菩薩

菩薩若言因我說法除得彼人煩惱即是法我若
言我度得眾生即有我所雖度脫眾生心有能所
我人不除不得名為菩薩熾然說種種方便化度

眾生心無能所即是菩薩也

何以故須菩提實無有法名為菩薩是故佛說一切
法無我無人無眾生無壽者須菩提若菩薩作是言
我當莊嚴佛土是不名菩薩何以故如來說莊嚴佛
土者即非莊嚴是名莊嚴

菩薩若言我能建立世界者即非菩薩雖然建立
世界心有能所即非菩薩熾然建立世界能所心
不生是名菩薩最勝妙定經云假使有人造得白
銀精舍滿三千大千世界不如一念禪定心心有

能所即非禪定能所不生是名禪定禪定即是清淨心也

須菩提若菩薩通達無我法者如來說名真是菩薩於諸法相無所滯礙是名通達不作解法心是名無我法無我法者如來說名真是菩薩隨分行持亦得名為菩薩然未為真菩薩解行圓滿一切能所心盡方得名真是菩薩

○一體同觀分第十八

須菩提於意云何如來有肉眼不如是世尊如來有天眼須菩提於意云何如來有慧眼不如是世尊如來有法眼須菩提於意云何如來有佛眼不如是世尊如來有佛眼

一切人盡有五眼為迷所覆不能自見故佛教除却迷心即五眼開明念念修行般若波羅蜜法初除迷心名為第一肉眼見一切眾生皆有佛性起憐愍心是名為第二天眼癡心不生名為第三慧

金剛經 卷下
眼著法心除名為第四法眼細惑未盡圓明徧照
名為第五佛眼又云見色身中有法身名為天眼
見一切衆生各具般若性名為慧眼見性明徹能
所求除一切佛法本來自備名為法眼見般若波
羅蜜能生三世一切法名為佛眼
須菩提於意云何如恒河中所有沙佛說是沙不如
是世尊如來說是以沙須菩提於意云何如一恒河中
所有沙有如是沙等恒河是諸恒河所有沙數佛世
界如是寧為多不甚多世尊

數一本
作土

恒河者西國祇洹精舍側近之河如來說法常指
此河為喻佛說此河中沙一沙况一佛世界以為
多不須菩提言甚多世尊佛舉此衆多國數者欲
明其中所有衆生一一衆生皆有若干許心數也
佛告須菩提爾所國土中所有衆生若干種心如來
悉知何以故如來說諸心皆為非心是名為心
爾所國土中所有衆生一一衆生皆有若干差別
心數心數雖多總名妄心識得妄心非心是名為
心此心即是真心常心佛心般若波羅蜜心清淨

金剛經 卷下 三十一

菩提涅槃心也

所以者何須菩提過去心不可得現在心不可得未來心不可得

過去心不可得者前念妄心潛然已過追尋無有處所現在心不可得者真心無相憑何得見未來心不可得者本無可得習氣已盡更不復生此三心皆不可得是名為佛

○法界通化分第十九

須菩提於意云何若有人滿三千大千世界七寶以

用布施是人以是因緣得福多不如是世尊此人以是因緣得福甚多須菩提若福德有實如來不說得福德多以福德無故如來說得福德多
七寶之福不能成就佛果菩提故言無也以其無量數限故名曰多如能超過即不說多也

○離色離相分第二十

須菩提於意云何佛可以具足色身見不不也世尊如來不應以具足色身見何以故如來說具足色身即非具足色身是名具足色身

一本潛
字作
暫

佛意恐眾生不見法身但見三十二相八十種好
紫磨金輝以為如來真身為遣此迷故問須菩提
佛可以具足色身相見不三十二相即非具足色
身內具三十二淨行是名具足色身淨行者即六
波羅蜜是也於五根中修六波羅蜜於意根中定
慧雙修是名具足色身徒愛如來三十二相內不
行三十二淨行即非具足色身不愛如來色相能
自持清淨行亦得名具足色身也
須菩提於意云何如來可以具足諸相見不不也世

尊如來不應以其足諸相見何以故如來說諸相具
足即非具足是名諸相具足

如來者即無相法身是也非肉眼所見慧眼乃能
見之慧眼未明具足生我人等相以觀三十二相
為如來者即不名為具足也慧眼明徹我人等相
不生正智光明常照是名諸相具足三毒未泯言
見如來真身者固無此理縱能見者祇是化身非
真實無相之法身也

○非說所說分第二十一

須菩提汝勿謂如來作是念我當有所說法莫作是念何以故若人言如來有所說法即為謗佛不能解我所說故須菩提說法者無法可說是名說法

凡夫說法心有所得故皆須菩提如來說法心無所得凡夫作能解心說如來語嘿皆如所發言辭如響應聲任用無心不同凡夫作生滅心說若言如來說法心有生滅者即為謗佛維摩經云真說法者無說無示聽法者無聞無得萬法空寂一切名言皆是假立於自空性中熾然建立一切言

辭演說諸法無相無為開導迷入令見本性修證無上菩提其名說法

爾時慧命須菩提白佛言世尊頗有眾生於未來世聞說是法生信心不佛言須菩提彼非眾生非不眾生何以故須菩提眾生眾生者如來說非眾生是名眾生

靈幽法師加此慧命須菩提六十一字是長慶二年年今見在濠州鐘離寺石碑上記六祖解在前故無解今亦存之

本言
作告

○無法可得分第二十二

須菩提白佛言世尊佛得阿耨多羅三藐三菩提為
無所得耶佛言如是如是須菩提我於阿耨多羅三
藐三菩提乃至無有少法可得是名阿耨多羅三藐
三菩提

須菩提言所得心盡即是菩提佛言如是如是我
於菩提實無希求心亦無所得心以如是故得名
阿耨多羅三藐三菩提

○淨心行善分第二十三

復次須菩提是法平等無有高下是名阿耨多羅三
藐三菩提以無我無人無眾生無壽者修一切善法
則得阿耨多羅三藐三菩提

此菩提法者上至諸佛下至昆蟲盡含種智與佛
無異故言平等無有高下以菩提無一故但離四
相修一切善法則得菩提若不離四相修一切善
法轉增我人欲證解脫之心無由可得若離四相
而修一切善法解脫可期修一切善法者於一切
法無有染著對一切境不動不搖於出世法不貪

本得
作了

不著不愛於一切處常行方便隨順衆生使之歡
喜信服為說正法令悟菩提如是始名修行故言
修一切善法

本如
本有
即字

須菩提所言善法者如來說非善法是名善法
修一切善法希望果報即非善法六度萬行熾然
俱作心不望報是名善法

○福智無比分第二十四

須菩提若三千大千世界中所有諸須彌山王如是
等七寶聚有人持用布施若人以此般若波羅蜜經

乃至四句偈等受持讀誦為他人說於前福德百分
不及一百千萬億分乃至算數譬喻所不能及

本百
作一

大鐵圍山高廣二百二十四萬里小鐵圍山高廣
一百一十二萬里須彌山高廣三百三十六萬里
以此名為三千大千世界就理而言即貪嗔癡妄
念各具三千也如爾許山盡如須彌以况七寶數
持用布施所得福德無量無邊終是有漏之因而
無解脫之理摩訶般若波羅蜜多四句經文雖少
依之修行即得成佛是知持經之福能令衆生證

得菩提故不可比

○化無所化分第二十五

須菩提於意云何汝等勿謂如來作是念我當度眾生須菩提莫作是念何以故實無有眾生如來度者若有眾生如來度者如來則有我人眾生壽者

須菩提意謂如來有度眾生心佛為遣須菩提如是疑心故言莫作是念一切眾生本自是佛若言如來度得眾生成佛即為妄語以妄語故即是我人眾生壽者此為遣我所心也夫一切眾生雖有

佛性若不因諸佛說法無由自悟憑何修行得成佛道

須菩提如來說有我者則非有我而凡夫之人以為有我須菩提凡夫者如來說即非凡夫是名凡夫如來說有我者是自性清淨常樂我淨之我不同凡夫貪嗔無明虛妄不實之我故言凡夫之人以為有我我有我人者即是凡夫我人不生即非凡夫心有生滅即是凡夫心無生滅即非凡夫不悟般若波羅蜜多即是凡夫若悟般若波羅蜜多即非

凡夫心有能所即是凡夫心無能所即非凡夫

○法身非相分第二十六

須菩提於意云何可以三十二相觀如來不須菩提
言如是如是以三十二相觀如來佛言須菩提若以
三十二相觀如來者轉輪聖王則是如來須菩提白
佛言世尊如我解佛所說義不應以三十二相觀如
來

世尊太慈恐須菩提執相之病未除故作此問須
菩提未知佛意乃言如是如是之言早是迷心更

言以三十二相觀如來又是重迷心離真轉遠
故如來為說除彼迷心若以三十二相觀如來者
轉輪聖王即是如來轉輪聖王雖有三十二相豈
得同如來世尊引此言者以遣須菩提執相之病
令其所悟深徹須菩提被問迷心頓釋故云如我
解佛所說義不應以三十二相觀如來須菩提是
大阿羅漢所悟甚深得方便不生迷路以其世尊
除遣細惑令後世衆生所見不謬也
爾時世尊而說偈曰

若以色見我 以音聲求我 是人行邪道 不能見如來

若以兩字是發語之端色者相也見者識也我者是一切衆生身中自性清淨無為無相真常之體不可高聲念佛而得成就念須正念分明方得悟解若以色聲求之不可見也是知於相中觀佛聲中求法心有生滅不悟如來矣

○無斷無滅分第二十七

須菩提汝若作是念如來不以具足相故得阿耨多

羅三藐三菩提須菩提莫作是念如來不以具足相故得阿耨多羅三藐三菩提須菩提汝若作是念發阿耨多羅三藐三菩提心者說諸法斷滅相莫作是念何以故發阿耨多羅三藐三菩提心者於法不說斷滅相

須菩提聞說真身離相便謂不修三十二淨行而得菩提佛語須菩提莫言如來不修三十二淨行而得菩提汝若言不修三十二淨行得阿耨菩提者即是斷佛種性無有是處

○不受不貪分第二十八

須菩提若菩薩以滿恒河沙等世界七寶持用布施
 若復有人知一切法無我得成於忍此菩薩勝前菩
 薩所得功德何以故須菩提以諸菩薩不受福德故
 須菩提白佛言世尊云何菩薩不受福德須菩提菩
 薩所作福德不應貪著是故說不受福德
 通達一切法無能所心是名為忍此人所得福德
 勝前七寶之福菩薩所作福德不為自己意在利
 益一切衆生故言不受福德

○威儀寂靜分第二十九

須菩提若有人言如來若來若去若坐若卧是人不
 解我所說義何以故如來者無所從來亦無所去故
 名如來

如來者非來非不來非去非不去非坐非不坐非
 卧非不卧行住坐卧四威儀中常在空寂即是如
 來也

○一合相理分第三十

須菩提若善男子善女人以三千大千世界碎為微

塵於意云何是微塵衆寧為多不甚多世尊何以故
若是微塵衆實有者佛即不說是微塵衆所以者何
佛說微塵衆則非微塵衆是名微塵衆

佛說三千大千世界以喻一切衆生性上微塵之
數如三千大千世界中所有微塵一切衆生性上
妄念微塵即非微塵聞經悟道覺慧常照趣向菩
提念念不住常在清淨如是清淨微塵是名微塵
衆

世尊如來所說三千大千世界則非世界是名世界

樞本
作本

三千者約理而言即貪嗔癡妄念各具一千數也
心為善惡之樞能作凡作聖其動靜不可測度廣
大無邊故名大千世界

何以故若世界實有者則是一合相如來說一合相
則非一合相是名一合相

心中明了莫過悲智二法由此二法而得菩提
一合相者心存所得故即非一合相心無所得是
名一合相一合相者不得假名而談實相

須菩提一合相者即是不可說但凡夫之人貪著其

存本
作有
得本
作壞

由悲智二法成就佛果菩提說不可盡妙不可言
凡夫之人貪著文字事業不行悲智二法若不行
悲智二法而未無上菩提何由可得

○知見不生分第三十一

須菩提若人言佛說我見人見眾生見壽者見須菩
提於意云何是人解我所說義不不也世尊是人
解如來所說義何以故世尊說我見人見眾生見壽
者見即非我見人見眾生見壽者見是名我見人見

眾生見壽者見

如來說此經者令一切眾生自悟般若智慧自修
行菩提之果凡夫之人不解佛意便謂如來說我
人等見不知如來說其深無相無為般若波羅蜜
法如來說說我人等見不同凡夫我人等見如來
說一切眾生皆有佛性是眞我見說一切眾生有
無漏智性本自具足是人見說一切眾生本自無煩
惱是眾生見說一切眾生性本不生不滅是壽者
見

須菩提發阿耨多羅三藐三菩提心者於一切法應如是知如是見如是信解不生法相須菩提所言法相者如來說即非法相是名法相

發菩提心者應見一切衆生皆有佛性應見一切衆生無漏種智本自具足應信一切衆生自性本無生滅雖行一切智慧方便接物利生不作能所之心口說無相法而心有能所即非法相口說無相法心行無相行而能所心滅是名法相也

○應化非真分第三十二

須菩提若有人以滿無量阿僧祇世界七寶持用布施若有善男子善女人發菩薩心者持於此經乃至四句偈等受持讀誦為人演說其福勝彼云何為人演說不取於相如如不動

七寶之福雖多不如有人發菩提心受持此經四句為人演說其福勝彼百千萬億不可譬喻說法善巧方便觀根應量種種隨宜是名為人演說所聽法人有種種相貌不等不得作分別之心但了空寂如如之心無所得心無勝負心無希望心無

生滅心是名如如不動也

何以故一切有為法如夢幻泡影如露亦如電應作如是觀

夢者是妄身幻者是妄念泡者是煩惱影者是業障夢幻泡影業是名有為法真實離名相悟者無諸業


佛說是經已長老須菩提及諸比丘比丘尼優婆塞優婆夷一切世間天人阿修羅聞佛所說皆大歡喜信受奉行

金剛般若波羅蜜經卷下

右此金剛經六祖惠能大師解義者以唐本一字不闕寫畢

明曆元_未初冬_未吉祥日
中野氏小左衛門開板

Faint, mostly illegible handwritten text in vertical columns on the left page. The characters are light and difficult to decipher, but appear to be organized into several columns.



三十五
卷下

若無用皆不實故說為空若真如躰絕諸相一切染
法皆不相應故說為空也從本引來等者正顯二空
差別若世間法猶如空華自空無故云本來自空故
若真如真絕諸相故云離一切相也又不了真俗二
空全別故謂真如涅槃同世間法唯是空無也文
私云上第一空一顯色以為法身自本出第二斷

